



**REPUBLIKA E SHQIPËRIË**  
**UNIVERSITETI I SPORTEVE TË TIRANËS**  
**SENATI AKADEMIK**

Nr. 391/1 Prot.

Tiranë, më 23.02 2026

**V E N D I M**

Nr. 17 dt. 23.02 2026

**“PËR**

**MIRATIMIN E RIKONFIRMIMIT TË KRITEREVE TË PRANIMIT PËR  
PROGRAMET E OFRUARA NGA UNIVERSITETI I SPORTEVE TË TIRANËS  
PËR VITIN AKADEMIK 2026-2027”**

Mbështetur në nenet 3, 38, 69 pika 3, 74, 76 të Ligjit nr. 80/2015 “Për Arsimin e Lartë dhe Kërkimin Shkencor në IAL në Republikën e Shqipërisë”, nenet 7, 20, 72, 74, 75 të Statutit të UST, në nenet 7, 63, 66 të Rregullores së UST, shkresën e Ministrisë së Arsimit dhe Sportit nr. 8230 Prot. datë 19.12.2025 “Për publikimin e kriterëve të pranimit të studentëve për vitin akademik 2026-2027” si dhe mbështetur në shkresën nr. 3065/1 Prot., datë 13.01.2026 të Fakultetit të Veprimtarisë Fizike dhe Rekreacionit, shkresën nr. 3065/2 Prot., datë 19.01.2026 të Fakultetit të Shkencave të Rehabilitimit, shkresën nr. 3065/3 Prot., datë 19.01.2026 të Fakultetit të Shkencave të Lëvizjes, Senati Akademik në mbledhjen e datës 23.02.2026

**V E N D O S I:**

1. Miratimin e rikonfirmimit të kriterëve të pranimit në programet e ofruara nga Universiteti i Sporteve të Tiranës në të tre Fakultetet e Universitetit të Sporteve të Tiranës për vitin akademik 2026-2027, sipas pikës II të Vendimit të Senatit nr.8, datë 20.01.2025, bashkëlidhur këtij Vendimi.  
(<https://ust.edu.al/wp-content/uploads/2025/01/vendim-senati-nr.-8.pdf>)
2. Ky Vendim i përcillet për njohje, zbatim dhe publikim Njësive Kryesore të UST-së, Bordit të Administrimit dhe Drejtorisë së Zhvillimit të Programeve e Digjitalizimit të Shërbimeve Akademiko-Shkencore.
3. Një kopje e këtij Vendimi i pëcillet Ministrisë së Arsimit dhe Qendrës së Shërbimeve Arsimore.
4. Ky Vendim hyn në fuqi menjëherë.

**KRYETARI SENATIT AKADEMIK**

**Prof. Dr. Agron KAS**





REPUBLIKA E SHQIPËRISË  
UNIVERSITETI I SPORTEVE TË TIRANËS  
SENATI AKADEMIK

Nr. 204/17 Prot.

Tiranë, më 20.01 2025

VENDIM

Nr. 8 dt. 20.01 2025

“PËR  
MIRATIMIN E KRITEREVE TË PRANIMIT 2025-2026 DHE 2026-2027  
NË PROGRAMET E OFRUARA NË  
UNIVERSITETIN E SPORTEVE TË TIRANËS”

Mbështetur në nenet 3, 37, 69, të Ligjit nr. 80/2015 “Për Arsimin e Lartë dhe Kërkimin Shkencor në IAL në Republikën e Shqipërisë”, nenet 7, 20, 72, 74, 75 të Statutit të UST; në vijim të shkresës së Ministrisë së Arsimit dhe Sportit nr. 7955/1 Prot. datë 19.12.2024 “Për publikimin e kriterëve të pranimit të studentëve për vitin akademik 2025-2026 dhe 2026-2027” e administruar në UST me nr.3835 prot., datë 24.12.2024; si dhe bazuar në shkresën nr.124/1 Prot., datë 14.01.2025 të Fakultetit të Shkencave të Lëvizjes, shkresën nr. 135 Prot., datë 14.01.2025 të Fakultetit të Veprimtarisë Fizike dhe Rekreacionit dhe shkresën nr. 138 Prot., datë 14.01.2025 të Fakultetit të Shkencave të Rehabilitimit, Vendimin e Rektoratit nr. 10, datë 14.01.2025, Senati Akademik në mbledhjen e datës 20.01.2025

VENDOSI:

- I. Për vitin akademik 2025-2026, të mbeten në fuqi kriteret e miratuara me Vendimin e Senatit Akademik nr.140, të datës 19.12.2023 “Për miratimin e kriterëve të pranimit në programet e ofruara nga Universiteti i Sporteve të Tiranës për vitin akademik 2025-2026” (përcjellë në MAS me shkresën nr. 3486/1 Prot., datë 31.01.2024) Linku: <https://ust.edu.al/wp-content/uploads/2023/12/Vendim-Senati-Nr.-140-dt.-19.12.2023-.pdf>
- II. Miratimin e kriterëve të pranimit në të tre Fakultetet e Universitetit të Sporteve të Tiranës për vitin akademik 2026-2027 si vijon:

• KRITERET E PRANIMIT NË FAKULTETIN E SHKENCAVE TË LËVIZJES

A. Për ciklin e parë të studimeve “Bachelor” në “Shkencat e Lëvizjes”

1. Pranohen kandidatët që kanë kryer arsimin e mesëm të përgjithshëm apo profesional dhe kur kanë kryer jo më pak se 12 vjet shkollë në ciklet parauniversitare.
2. Pranohen kandidatët që zotërojnë diplomë të shkollës së mesme jashtë vendit, por pasi të jetë bërë ekuivalentimi i diplomës së fituar në vendin e huaj nga MAS.

3. Pranimit në programin "Bachelor" është i mundur për çdo kandidat që ka përfunduar me sukses ciklin e arsimit të mesëm dhe që plotëson:

- ✓ Kriterin e meritës; notën mesatare të shkollës së mesme.
- ✓ Kriteret e vendosura për konkursin e pranimit. (testet e miratuara nga Senati i UST-së dhe të shpallura në Ëeb-in zyrtar të universitetit).
- ✓ Kushtet shëndetësore sipas Kartelës Mjekësore të miratuara nga UST-ja dhe të shpallura në web-in e UST-së.

**B. Për ciklin e dytë të studimeve Master Profesional në "Trajner i përgatitjes fizike"**

1. Në programin Master Profesional "Trajner i përgatitjes fizike" pranohen kandidatët të cilët minimalisht plotësojnë një diplomë "Bachelor" të përfituara në një nga programet e ofruara së UST-së pranë FSHL-së ose FVFR-së.
2. Gjithashtu pranohen në këtë program studimit të gjithë kandidatët që vijnë nga IAL të tjera dhe që zotërojnë diploma ekuivalente me ato të ofruara në UST sipas pikës 1.
3. Renditja e kandidatëve bëhet sipas kriterit të meritës (notës mesatare) dhe diplomës paraprake të fituar në UST dhe jashtë saj.

**C. Për ciklin e dytë "Master i Shkencave" në "Mësuesi në Edukimin Fizik e Shëndetësor"**

1. Kanë të drejtë të konkurojnë për të ndjekur studimet në ciklin e dytë "Master i Shkencave" në "Mësuesi në Edukimin Fizik e Shëndetësor" kandidatët që kanë përfunduar me sukses studimet në programet e ciklit të parë "Bachelor" pranë FSHL-së, FVFR-së apo programe të ngjashme me to në IAL të tjera brenda dhe jashtë vendit.
2. Kriteri bazë i klasifikimit të kandidatëve do të jetë ai i notës mesatare të ponderuar të studimeve të ciklit të parë "Bachelor" si dhe kriteri i rëndësisë. Për kandidatët që kanë përfunduar studimet në programet e ciklit të parë "Bachelor" pranë FSHL-së, FVFR-së koeficienti është 1.4, për kandidatët që kanë përfunduar studimet në IAL-së të tjera të ngjashme me të koeficienti është 1.
3. Njohja nga kandidatët e një prej gjuhëve të huaja të BE, (anglisht, frengjisht, gjermanisht italisht, spanjisht). Nëse kandidati ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri. Niveli i gjuhës së huaj duhet të jetë të paktën B1.
4. Kanë të drejtë të konkurojnë për të ndjekur studimet në ciklin e dytë "Master i Shkencave" në "Mësuesi në Edukimin Fizik e Shëndetësor" studentët e shkëlqyer, të cilët mund të rregjistrohen njëkohësisht në më shumë se një program studimi sipas përcaktimeve ligjore (Ligji nr.80/2015 neni 97, pika 3), por që plotësojnë kriterin b.1. të pranimit.

**• KRITERET E PRANIMIT NË FAKULTETIN E VEPRIMTARISË FIZIKE DHE REKREACIONIT**

**A. Për ciklin e parë të studimeve Bachelor në "Fushat e Veprimtarisë Fizike të Shëndetit dhe të Rekreacionit"**

1. Kanë të drejtë të pranohen në programin e studimit të ciklit të parë Bachelor në "Fushat e Veprimtarisë Fizike të Shëndetit dhe të Rekreacionit" të gjithë kandidatët që kanë përfunduar me sukses arsimin e mesëm (Maturën Shtetërore në RSH), ose ekuivalentin e saj për shtetasit që kanë studiuar në vende të tjera.
2. Kandidatët i nënshtrohen konkurimit praktik konform testeve të miratuara nga Senati Akademik i UST dhe të shpallura në faqen web të UST.

3. Raporti ndërmjet konkurimit praktik dhe mesatares së kandidatit të jetë 70% me 30%. Për kandidatët që konkurojnë për të hyrë në ciklin e parë "Bachelor", duhet që të grumbullojnë minimumi 10 (dhjetë) pikë nga 70 (shtatëdhjetë) të mundshme të konkurimit praktik.
4. Kandidatët që konkurojnë në këtë program studimi, duhet të plotësojnë kushtet shëndetësore sipas Kartelës Mjekësore miratuar nga UST dhe e shpallur në faqen ëeb të saj.

**B. Për ciklin e dytë të studimeve Master Profesional "Aktiviteti Fizik dhe Rekreacioni – Trajner Fitnesi"**

1. Kanë të drejtë të konkurojnë për të ndjekur studimet në programin e ciklit të dytë të studimeve Master Profesional "Aktiviteti Fizik dhe Rekreacioni – Trajner Fitnesi" të gjithë kandidatët që kanë përfunduar me sukses studimet në ciklin e parë "Bachelor" pranë Fakultetit të Veprimtarisë Fizike dhe Rekreacionit apo programe të ngjashme me to në IAL të tjera brenda dhe jashtë vendit.
2. Konkurimi do të bëhet mbi bazën e dosjeve personale të paraqitura nga kandidatët pranë Sekretarisë Mësimore Digjitale në UST, konform afateve të shpallura në faqen web të UST.
3. Klasifikimi dhe përzgjedhja e kandidatëve bëhet mbi bazën e kriterëve të përcaktuara në Rregulloren e programit të studimit e cila gjendet në faqen zyrtare të UST-së.

**C. Për ciklin e dytë të studimeve Master Profesional "Menaxhim në Sport dhe Turizëm"**

1. Kanë të drejtë të konkurojnë për të ndjekur studimet në programin e ciklit të dytë Master në "Menaxhim në Sport dhe Turizëm", të gjithë kandidatët që kanë përfunduar me sukses studimet në ciklin e parë Bachelor.
2. Konkurimi do të bëhet mbi bazën e dosjeve personale të paraqitura nga kandidatët pranë Sekretarisë Mësimore Digjitale në UST, konform afateve të shpallura në faqen web të UST.
3. Kriteri bazë i klasifikimit të kandidatëve, do të jetë ai i formimit në ciklin e parë të studimeve dhe ai i notës mesatare më të lartë.

**D. Për ciklin e dytë të studimeve Master Shkencor "Aktiviteti Fizik dhe Shëndeti"**

1. Kanë të drejtë të konkurojnë për të ndjekur studimet në programin e ciklit të dytë Master Shkencor "Aktiviteti Fizik dhe Shëndeti", të gjithë kandidatët që kanë përfunduar me sukses studimet në ciklin e parë "Bachelor" pranë Fakultetit të Veprimtarisë Fizike dhe Rekreacionit apo në programe të ngjashme me to në IAL të tjera brenda dhe jashtë vendit.
2. Konkurimi do të bëhet mbi bazën e dosjeve personale të paraqitura nga kandidatët pranë Sekretarisë Mësimore Digjitale në UST, konform afateve të shpallura në faqen web të UST.
3. Kriteri bazë i klasifikimit të kandidatëve, do të jetë ai i notës mesatare më të lartë.
4. Kanë preferencë fillimisht kandidatët që kanë përfunduar ciklin e parë "Bachelor" në sistemin me kohë të plotë dhe part time të Fakultetit të Veprimtarisë Fizike dhe Rekreacionit.
5. Në rastet kur rezultojnë vende të mbetura bosh, do të merren në konsideratë kërkesat e paraqitura nga kandidatët që kanë përfunduar me sukses ciklin e parë "Bachelor" në IAL të tjera të ngjashme brenda dhe jashtë vendit. Edhe për këtë kategori, klasifikimi do të bëhet mbi bazën e notës mesatare më të lartë.
6. Njohja nga kandidatët e një prej gjuhëve të huaja të BE, (anglisht, frengjisht, gjermanisht italisht, spanjisht). Nëse kandidati ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri. Niveli i gjuhës së huaj duhet të jetë të paktën B1.

● **KRITERET E PRANIMIT NË FAKULTETIN E SHKENCAVE TË REHABILITIMIT.**

**A. Për ciklin e parë të studimeve “BACHELOR” në “Shkencat e Rehabilitimit”**

1. Kanë të drejtë të pranohen në programin e studimit të ciklit të parë Bachelor në “Shkenca të Rehabilitimit”, të gjithë kandidatët që kanë përfunduar me sukses arsimin e mesëm (Maturën Shtetërore në RSH) apo profesional dhe kur kanë kryer jo më pak se 12 vjet shkollë në ciklet parauniversitare.
2. Pranohen kandidatët që zotërojnë diplomë të shkollës së mesme jashtë vendit, por të ekuivalentuar nga MAS.
3. Pranimi në programin Bachelor është i mundur për çdo kandidat që ka përfunduar me sukses ciklin e arsimit të mesëm dhe që plotëson:
  - ✓ Kriterin e meritës e përcaktuar me Vendim të Këshillit të Ministrave.
4. Në rastet kur kandidatët rezultojnë me mesatare të njëjtë nga llogaritja e kriterit të mësipërm (VKM), do të merret për llogaritje mesatarja e M1 (*Mesatarja e viteve shkollore të arsimit të mesëm*)

**B. Për ciklin e dytë të studimeve “MASTER PROFESIONAL” në “Rehabilitimi Fizioterapeutik në Sport”**

1. Në programin Master Profesional “Rehabilitimi Fizioterapeutik në Sport” pranohen kandidatët të cilët minimalisht plotësojnë një diplomë “Bachelor” të përfutur brënda ose jashtë vendit të konvertuara nga MAS, në programet e studimit të ciklit të parë, në fusha të njëjta ose të ngjashme me ciklin e parë të studimit Bachelor në “Shkencat e Rehabilitimit”
2. Gjithashtu pranohen në këtë program studimit të gjithë kandidatët që vijnë nga IAL të tjera dhe që zotërojnë diploma ekuivalente me ato të ofruara në UST sipas pikës 1.
3. Studentët që kandidojnë për këtë program studimi, diploma e të cileve ka ngjashmeri me programet bachelor të FSHR, pranohen të regjistrohen në këtë program me debi kreditesh duke i plotësuar ato sipas një plani kurrikulor, të ndërtuar nga departamenti që ofron programi i studimit.
4. Renditja e kandidatëve bëhet sipas kriterit të meritës (*notës mesatare*) dhe diplomës paraprake të fituar në UST dhe jashtë saj.

*III. Ky Vendim hyn në fuqi menjëherë.*

*IV. Një kopje e këtij Vendimi i përcillet Ministrisë së Arsimit dhe Sportit.*

KRYETARI I SENATIT

Prof. Dr. AGRON KASA

